



www.BibleForChildren.org



San Juan 14



Chi'chi rahbi Jesuhs loh ra' ba: –Ayi guunn chiohpa sto'
tu; gulchechisto' tu xchi'dxyi Dxiohs nee gulchechii za
sto' tu xchi'dxyi'hn.



Nez hasta naa yihdzi xtaa'dahn ziahan yuu' nuu ri'chi
para chuu tu, laasii sidela ayi ñahca zi'chi ayi ñiñi'n loh
tu la'n guzaa'ha tin guunn cha'yi yuu' ra' hasta
chuu tu, ya galoo nin baguziaa'hahn nez nuu Xtaa'dahn
nee chin baguya'loh bwi'hnncha'yi'hn nez chuu tu
zie'ldahn stuhbi tin chene'hn
la'h tu ri'chi, tin
chuu tu nez
chuu'huhn.



Na'h Jwahn, naan bwihtsi tu pur nin riachiiza sto'n
la'h Jesucristu, nee pur nin naaza nu'h tuhsi loh
guelrzahcazii, cun ziga chuuza nu'h tuhsi

nez loh Dxiohs nee cun ziga
gacaza nu'h tuhsi loh



guelpaseensi xteenn

Jesucristu. Pwihsi
chin nuu'huhn loh yuh
nin nuu galaayi loh
ñihsado' nin laa
Patmos, . . .



. . . pur nin zegaluu'yi'hn xchi'dxyi Dxiohs, laasii
na'h naan nin bwa'haloh dzi'nroo ra' nin bwi'hnn
Jesucristu, pwihsi tuhbi dxyih Dumingu

bia'hanahn loh xquelrnabwa' Spíritu Saantu
xteenn Dxiohs ya



bihna'hn nez di'tsihn
tuhbi rsiaa'ha ziga
xteenn tuhbi
trompeta, Nin guñi'
loon squii': . . .



–Na'h naan des galohtii'yi nee cun para hasta fihnyi, ziga zi lehtra A cun lehtra Z. Baca'h loh tuhbi chihbru garaa ra' nin gwa'ha loh

lu'h, ya guixe'hla lu'hn para xpwii'nn ra'n nin rii loh




gahdzi guihtxyi
xteenn Asia, o sea
par loh guihtxyi
Efesu, loh guihtxyi
Esmirna, . . .



. . . loh guihdxyi Pérgamo, loh guihdxyi Tiatira, loh
guihdxyi Sardis, loh guihdxyi Filadelfia,
nee cun loh guihdxyi Laodicea.



Ya chi'chi bia'hanahn loh guelrnabwa' xteen Spíritu
Saantu, ya bwa'hahn tuhbi yahgaxiiyi roo' Ilaa'ndxibaa'
hasta rbwih ra' nin rnabwa' Ilaa'ndxibaa', ya loh
yahgaxiiyi chi zohba nin rnabwa' Ilaa'ndxibaa'.




Chi'chi bihn dxiaagahn rsiaa'ha garaa ra' nin
gulahchixchih Dxiohs nez dxibaa' cun loh guidxyiyuh
nee cun la'n gueeta loh guidxyiyuh
nee cun loh ñihsado', bihn
dxiaagahn cañi' ra' ni'chi squii':
Nin zohba loh yahgaxiiyi nin naa
trohnu dxibaa', . . .



. . . neezaa loh nin naa Xi'hyi Dxiohs, la'h chi'h zi Ñi'h
lasahca duxa Ñi'h, gachidi'hnn lasahca nu'h la'h Ñi'h,
gazu'nllihbi nu'h nez loh Ñi'h la'h za
Ñi'h gaann nu'h, nee gahbi za nu'h
barnabwa' Ñi'h par tu'pazi.




Na'h Jwahn bwa'hagoon guiidxyi Jerusalehn cuubi;
bwa'hahn guiidxyi saantu chi ze'yehtan nez dxibaa'
hasta rnabwa' Dxiohs. Zucha'yin ziga zi rzuhcha'yi tuhbi
dxa'pa nin rahlda ruchinaa.




Chi'chi bihna'hn tuhbi rsiaa'ha roo' nin guñi' nez dxibaa'
hasta zuu yahgaxiiyi roo', squii' cañi'n: –Gulguia'ha
nnah la'h Dxiohs zuu galaayi ra' bwiinn, la'h Dxiohs
nabahanee la'h ra' bwiinn, ya la'h ra' ba gaca xpwiinn
Ñi'h, ya la'hgahca Yu'bi Dxiohs guibahanee la'h ra' ba
tin gaca Ñi'h


Xchiohs ra' ba,
laasii ziñihchiloh
guelguhchi, ayi ru
chuu guelnalaasa
sto' nin guelnayaan,
laasii garaa ra'
dee' ra' nin guyuu'
galoh la'h ra'n
guñihchiloh.



Ya chi'chi baluu'yi aanjla chi na'h tuhbi gui'w nayaa,
hasta nuu ñihsa nin runi'hi guelnabahan. Ña'ñihin ziga
zi bihdru nin laa cristal, caria'han nez loh yahgaxiiyi
hasta rnabwa' Dxiohs cun Lli'hyi xteenn Ñi'h.



Guihdxyi chi ayi rchi'hn gubihdxyi cun bwe'hw laasii
xpia'ñih gahca Dxiohs ruzia'ñih ri'chi, ya Lli'hyi xteen
Ñi'h naa bia'ñih loh guihdxyi chi.




Ya ayi chuu nin tuhbi ra' bwiinn nin ruhnn dzi'n dxaaba
ra' ri'chi; sola chuu ra' bwiinn ra' nin caa lah ra' ñi'h loh
chihbru nin naa guelnabahan
nin nahpa Lli'hyi
xteenn Dxiohs.




Chi'chi bihna'hn tuhbi rsiaa'ha roo'
nin guñi' nez dxibaa' hasta zuu
yahgaxiiyi roo', squii' cañi'n:
–Gulguia'ha nnah la'h Dxiohs zuu
galaayi ra' bwiinn, la'h Dxiohs
nabahanee la'h ra' bwiinn, ya la'h ra'
ba gaca xpwiinn Ñi'h, ya la'hgahca
Yu'bi Dxiohs guibahanee la'h ra' ba
tin gaca Ñi'h Xchiohs ra' ba, laasii
ziñihchiloh guelguhchi, ayi ru chuu
guelnalaasa sto' nin guelnayaan,
laasii garaa ra' dee' ra' nin guyuu'
galoh la'h ra'n guñihchiloh.




Ayi ru chuu cohsa duhlda ra' loh guihdxyi chi.
Yahgaxiiyi xteen Dxihs cun xteen Xi'hyi Ñi'h chuu
loh guihdxyi chi, nee cun sola za la'h ra' xpwiinn Ñi'h
chuu loh guihdxyi chi, nee cun sola za la'h ra' xpwiinn
Ñi'h nin guzu'nllihbi nez
loh Ñi'h nee gaann
ra' ba la'h Ñi'h.
Zwa'ha loh ra'
ba loh Ñi'h gahxu
gah ya zica'h za
lah Ñi'h locah
ra' ba.



Bwa'hazahn loh ra' bwiinn guuchi ziga nin lasahca cun
nin ayi lasahca; zuu ra' ba nez loh Dxiohs, chi'chi
billaala loh chihbru ra' nee cun neezaa loh stuhbi
chihbru xteenn Dxiohs nin laa chihbru guelnabahan nin
naa para tu'pazi. Ya chi'chi bwi'hnn Ñi'h
guelguxchisi xcweenta ra' bwiinn guuchi
ra' chi pur dzi'n nin bwi'hnn tuhbigah
ra' ba, ziga naa xcweenta
tuhbigah ra' ba nin
caa loh dxihtsi ra' chi.
ya loh bwehla za chi
zee ra' bwiinn ra' nin
ayi caa lah ra' ñi'h loh
chihbru nin laa
guelnabahan.



Spíritu Saantu Dxiohs cun dxa'pa xteen Lli'hyi xteen
Dxiohs rñi' ra' squii': –Gudaa'. Ya nin rihndxiahga za
guiñi' ra' ba: –Gudaa'. Ya nin rdxahga ñihsa, nee
xclaa'dzi ba guee ban, dxi' ba tin guee ba ñihsa nin
rudi'hi guelnabahan, nee sin nin tuhbi ga'yu ayi guunn
ba gaxtu.



'Laasii guhca nadzii'hi sto' Dxiohs la'h
ra' bwiinn guidxyiyuh, ni'chin guxe'hla
Ñi'h yu'pi Llii'n Ñi'h loh
guidxyiyuh, . . .



. . . tin garaa ra' bwiinn ra' nin
chechiisto' ra' ñi'h xchi'dxyi Ñi'h ayi
ñichiloh ra' ba loh Dxiohs, sino que
gapa ra' ba tuhbi guelnabahan
nacuubi nin ayi ñichilohtii',



Romanos 3:23 laasii garaatii' ra' bwiinn guiidxyiyuh
la'bañihchi nezloh Dxiohs, pwihsi ayi gaaldaaguzuh
guidi'hnn nu'h dzi'n za'ca ziga nin ruhnn Ñi'h,

Romanos 6:23 Ya nin gahlla bwiinn nin ruzo'badxiahga
xcweenta xigaaba dxaaba ra' ñi'h naa ñichilohtii' ra' ba loh
Dxiohs, per guelrgaa'da nin runi'hi Dxiohs naa
guibahannee bwiinn la'h Ñi'h para tu'pazi, pur xcweenta
Jesucristu Daada xteenn nu'h.

Hebreos 9:27 laasii garaa ra' bwiinn nahpa gachi ra' ba
tuhbi dxi'h, ya chi'chiyi tiidxi ra' ba loh xquelguxchisi
Dxiohs.



Efesios 2:8,9 pwihsi pur nin balahsasto' Dxiohs la'hnu'h,
ni'chin bata'h Ñi'h la'hnu'h loh duhlda chin gwachiisto' nu'h
xchi'dxyi Ñi'h. Ni'chin ayi guunn tu lligaaba bidxeela tun pur
la'hgahca xcweenta tu sino que guca'ha tun laasii Dxiohs
naa nin bani'hin la'htu. Nee ayiza guhcan pur xcweenta
xiilla tuhbi dzi'n za'ca nin ñuhnn biñaachi tin zi'chi ayi chuu
nin tuhbi nin guunn nayaachi,

Romanos 10:9,10 Sidela cun rwaa' lu'h guze'ta lu'h
Jesucristu naa Daada loh lu'h, nee chechii za sto' lu'h
Dxiohs bacwa'hn la'h Ñi'h loh guelguhchi, zahca nayaa lu'h
nezloh Dxiohs, laasii cun sto' biñaachi riachiisto' nu'h
xchi'dxyi Ñi'h, ni'chi nin rahca nayaa nu'h nezloh Dxiohs; ya
cun rwaa' za biñaachi rachiñi' nu'h Jesucristu rnabwa' loh
nu'h tin zi'chi rla'h nu'h loh duhlda.



San Juan 3:16,17 'Laasii guhca nadzii'hi sto' Dxiohs la'h ra' bwiinn guidxyiyuh, ni'chin guxe'hla Ñi'h yu'pi Llii'n Ñi'h loh guidxyiyuh, tin garaa ra' bwiinn ra' nin chechiisto' ra' ñi'h xchi'dxyi Ñi'h ayi ñichiloh ra' ba loh Dxiohs, sino que gapa ra' ba tuhbi guelnabahan nacuubi nin ayi ñichilohtii', laasii Dxiohs ayi gulu'nehza dxi'h Ñi'h la'h Llii'n Ñi'h loh guidxyiyuh tin gudzii'ba Ñi'h duhlda yihca ra' bwiinn guidxyiyuh, sino que guhlda'h Ñi'h la'h ra' ba loh duhlda.



1 Juan 5:11-13 Squii' naa dxyi'dxyi nin rñi' Dxiohs: Ya bani'hi Dxiohs guelnabahan nin ayi ñichilohtii' la'hnu'h, ya guelnabahan rii' naa nin bie'nee Jesucristu Llii'n Dxiohs nin nuu dxibaa'. Bweelaa la'hnu'h nabahannee nu'h la'h Jesucristu Llii'n Dxiohs, zahpa nu'h guelnabahan nin ayi ñichilohtii' za; ya nin ayi nabahannee la'h Jesucristu Llii'n Dxiohs, ayi guica'ha ba loh guelnabahan nin ayi ñichilohtii'. Pwihsi ruca'hn dxihtsi rii' para la'htu ziga riachii sto' tu la'h Jesucristu Llii'n Dxiohs, tin para gacabwa' tu nahpa tu guelnabahan nin ayi ñichilohtii'.



San Juan 14; 2 Corintios 5; Apocalipsis 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Zapotec Chichicapan NT (zpv) © 1990, Wycliffe Bible
Translators, Inc. All rights reserved.

<https://www.bible.com/bible/739/MAT.1.ZPV>

©2026 Bible for Children, Inc.

www.M1914.org

www.bibleforchildren.org

